

## Siulittaasup oqaatsitigut nalunaarutaa

### Ileqquusumik ataatsimeersuarneq ulloq 24. marts 2021

COVID-19 pissutigalugu killilersuinerit pissutigalugit ukioq manna ileqquusumik ataatsimeersuarnermi najuullutik takkussinnaasut killeqarput, taamaattorli siullermeerluta VPinvestorportalen aqqutigalugu ileqquusumik ataatsimeersuarneq livestreamerlugu isiginnaarnissaa periarfissanngortipparput. Tamassi aningaaserivimmiittusi kiisalu livestreamikkut isiginnaartusi tikilluaqqorusuppassi.

Grønlandsbankenip 2020 naavaa akileraaruteqareernani 130,9 mio. koruuninik angusaqarluni. 2020-p aallartinnerani Grønlandsbankenip naatsorsuutigaa 120-140 millioner koruunit akornanni akileraaruteqareernani sinneqartooruteqassalluni, COVID-19-eqarneralu eqqarsaatigissagaanni siulersuisut nalilerpaat angusat naammaginatut. Aningaaserivimmi pisortap kingorna aningaaseriviup ukiumoortumik nalunaarutaa itisilernerullugu nassuiaaffigissavaa.

Ukiuni arlalinni aningaasaqarnikkut siuariartormik misigiffioreerluni Kalaallit Nunaata aningaasaqarnera, nunarsuarmi aningaasaqarnerup sinnera assigalugu, COVID-19 pissutigalugu 2020-mi unikaallaffiuvoq. Nalilerparpulli, 2020-mi suliaqarneq ataatsimut isigalugu 2019-imi suliaqarnerup naligipjaarpaa, taamaattumillu nunanut amerlanerpaanut allanut sanilliullugu malunnaatilimmik appasinnerusumik sunnerneqarfiulluni.

Kalaallit Nunaata aningaasaqarnerata 2020 pitsaasumik anigoreranaut pissutsit aklerliittut, ataatsimut isigalugu imminnut oqimaaqatigiissittut pissutaapput.

Siullertut takornariaqarnermik inuussutissarsiorneq, pingaartumik matumani akunnittarfiit, mattussinerit angalanermilu killilersuinerit kingunerisaannik kinguariatujussuarnermik msiigisaqarfiuvoq. Tamatuma saniatigut aalisarneq negativiusumik sunnerneqarpoq, aalisakkat akiisa appariarnerat pissutigalugu.

Aappaani sanaartormik suliassaqarfimmi 2020-mi suliat amerleriarput. Tamatuma saniatigut inuussutissarsiutit ilaat siuariarnermik misigisaqarput, tamatumunnga pissutaalluni nikerarsinnaassutsip annikilleriarnera, tamannalu najukkami nioqqutinik sullissinernillu piunasaqarnerup qaffariarneranik kinguneqarpoq. Ataatsimut isigalugu nalilerparput, takornariaqarnermi aalisarnermilu negativiusumik ineriartorneq, pisiniarfinni sanaartormilunni positiviusumik ineriartormit oqimaaqatigiissinneqartut.

2020-mi COVID-19-ip ajornartorsiorititsinerani allanut sanilliullugu ingerlalluortoqarneranaut, annertuumik pissutaavoq oqartussat tungaannit sunniteqarluartumik aqutsisoqarsimanera. Tuniluuttoqarnissaa pinaveersaartinniarlugu suliniutinik malinnilluarneq kiisalu Namminersorlutik Oqartussat aamma suliffeqarfeqarfimmi illua-tungiusut akornanni ikiorsiissutinik pilersitsineq atulersitsinerlu aalajangiisuupput. Peqatigitillugu aningaasaqarneq ataatsimoortumik tapiissutinik ajornartorsiornermut attuumassuteqanngitsunit patajaallisarneqarpoq, taamaasillutillu pisortani ingerlataqarfiup isertitaasa 30%-iisa missaat allanngunngillat.

Naatsorsuutigaarput 2021-mi ineriartormut apeqqutaassasut, akiuussutissat pillugit pilersarusiornerit Kalaallit Nunaanni kiisalu pingaartumik nunarsuup sinnerani qanoq ingerlanissai. Oqartariaqarpugut neriulluarnerup isumalluannginnerullu akornanni aamma nikeraratta, kisiannili sanaartormerup annertusinera, raajanik pisassiissutit annertusineraat kiisalu aalisakkat akiisa arriitsumik qaffakkiartornissaannut naatsorsuutit kiisalu Kalaallit Nunaannit

Kalaallillu Nunaannut timmisartuussinerit arriitsumik ammariartuaarneri tunngavigalugit, nalilerparput 2021-mi BNP-mi positiviusumik ineriartortoqarnissaanut tunngavissaqartoq.

GrønlandsBANKEN-ip 2020-mi misigaa, kiisalu 2021-mut naatsorsuutigalugu annikinnerusumik sullitanit inuussutissarsiortunit suli annaasaqarnissaq, ajornartorsiortoqarnera pissutigalugu aningaaserivimmuut pisussaaffimminnik naammassinnissinnissinnaajunnaarsimasunik. Aningaaserivik taamaattumik ajornartorsiortoqarnerata kingunerisaanik, naatsorsuutini annaasaqarnissamut aningaasanik annertuunik illuartitsivoq. Akiitsunilli annaasaqarnissap anertussusaa tamanna qajassuarfiuvoq, matumani aningaaseriviup misigimmagu, COVID-19-ip ukiuani siullermi suliffeqarfiit ingerlalluarsimanerat. Suliffeqarfiit ajornartorsiortut amerlassusaat appasittorujussuugaluartoq, takutinneqarpoq, pingaartumik takornariaqarnermik ingerlatsivik ajornartorsiorfiusoq.

COVID-19-ip ajornartorsiortitsinerani Namminersorlutik Oqartussat ikiorsiissutinik arlalinnik akuersissuteqarput, taakku pissusissamisoortumik 2020-mi pisortat aningaasartuutaannik qaffaapput. 2020-mi aamma 2021-mi amigartooruteqarneq annertuvoq, hundrede mio. koruuninullu arlalialunnut naatsorsorneqassagunarłuni, kisianni nunani allani pisortat aningaasaqarnerisa qanoq eqqorneqarsimanerannut kiisalu Kalaallit Nunaanni akiitsut appasinnerinut atatillugu tamanna annilaarnartuunngilaq.

Inuussutissarsiutinut ataasiakkaanut saakkutta, ilaat immikkut sunnerneqarnerusutut "nuisannerupput". Aalisarnermi aalisagaqatigiinni pingaarnerpaani akit appariartornera malugineqarsimavoq, 2020-mi ataatsimut isigalugu annertussutsit, 2019-imitut tunineqarsimasutut isikkoqartut. Taamaasillutik 2019-imut sanilliullugu tunisineq nikisinnngikannersinnaasimallugu. Tamanna pingaaruteqarpoq ilaatigut najukkani inuiaqatigiinnut, aalisarnermik annertuumik inuussuteqartunut atatillugu.

Aalisakkanik nioqqutissat akiisa ineriartornerat Kalaallit Nunaata annikitsuinnarmik sunnuteqarfignaa, pisuussutinilli aqutsineq nammineełuta aalajangertarparput. Raajanik aalisarnermi pisassiissutinik 5%-imik qaffaaneq pitsaasuuvuq, biologillu siunnersuutaannik malinnilluni. Peqatigitillugulu aalisarnermi aalajangiisuulluinnartumi tassani MSC-mik nalunaaqutsigaanermik tamanna qulakkeerinnippoq, taamaasillunilu tunisinermi akit pitsaanerusut anguneqarlutik.

Paarlattuanik saarullinnut kiisalu sinerissap qanittuani qaleralinnut pisassiissutit inissisimapput, tassani pisassiissutit aammaarlutik biologit siunnersuutaannit qaffasinnerujussuarmik inisseqqinneqarput. Tamanna aningaasaqarnikkut imaluunniit biologiskimik piujuartitsinnginneruvoq.

Tamanna unammillernartoq ilungersunartuusoq Grønlandsbankenimi ukiuni arlalinni oqaatigisarparput. Tamatuma kinguneqaatai malunnartorujussuupput. Qaammatit tamaasa sinerissap qanittuani aalisartut, pisussaaffitik ingerlaavartut akilersinnaaneq ajorpaat, aningaasaqarnikkullu ajornartorsiulersarlutik. Ernumanartuuvuq, aalisartut pikkorissut sulilluartullu ulluinnarni immami sulerulunnertik naammaginartumik iluanaarfigninnaanngikkaat. Tamatuma nassataraa, GrønlandsBANKEN-ip 2019-imili sinerissap qanittuani aalisartunik nutaanik aningaasaliinissamut peqataanissaq naaggaarmagu, tamatumani siunertaralugu aalisartut amerlassusaat kiisalu aalisapilunnerup ingerlaavartumik annikillissarnissaa, kiisalu aalisartut pitsaasut inuussutissarsiummut siusinnerusukkut isersimasut illersorniarlugit. GrønlandsBANKEN-ip siusinnerusukkut ineriartorneq, sinerissap qanittuani aalisarneq "ajalusooriartortumik" oqaatiginikuuaa, 2020-milu ineriartornerup naliliineq tamanna allanngortinngilaq.

COVID-19-ip takornariaqarnermik inuussutissarsiorneq sakkortuumik eqqorpaa. Ukiuni arlalinni siuariartorfioreerluni takornariaqarnermi ineriartorneq 2020-mi unikaallarujussuarpoq. Mattussinerit kiisalu angalanissamut killilersuinerit nassataraa, nunanit allanit tikeraat amerlassusaasa annertuumik ikileriarnerat, Kalaallilu Nunaanni nunanit allanit takornariaqarneq ataatsimut isigalugu annaaneqarpoq.

Takornariat ikileriarnerat Kalaallit Nunaanni takornariaqarnermi anguniakkanut annertuumik kinguariartitsivoq, tamatuma nassataraa takornariaqarnermut aningaasaliissutit arlallit kinguartinneqarnerat, soorlu suliassaqaarfimmi suliaqartut aningaasaqarnikkut sakkortuumik eqqorneqartut. Ajornartorsiortoqaleriasaarneranili, nutaamik eqqarsartoqartariaqarpoq. Nutaamik eqqarsarnermut assersuutaavoq Visit Greenlandip ussassaarinera "Nunarput Nuan – vores vidunderlige Grønland", tamatuma nassataraa, nunatsinni najugalippassuit namminneq nunartik misigissallugu aalajangiommassuk. Tamatuma nassataraa, takornariaqarnermi suliaqartut ilaasa suliami ilaannik 2020-mi attassiinnarsinnaasimanerat.

Takornariaqarneq aningaasaqarnermik imminut napatissinnaasumik tunngaviliinermut pilersitsinermut immikkoortut ilaattut toqqarneqarpoq. Taamaattumik pisariaqarpoq, takornariaqarnerup Kalaallit Nunaannut uteqqinnissaa. Matumani atajuartitsisinnaaneq siunissami takornariat piumasaannut qitiusumik inissisimassaaq. Visit Greenland-itaaq 2020-2023-mut periusissiamini atajuartitsineq tunngavigisaminut ilaatippaa.

2020-mi sanaartornermi suliat, suliassaqaarfiit allarpassuit akerleralugit, COVID-19-ip kingunerisaanik unikaallaffusimangillat. Allatut oqaatigalugu, upernaami matusisoqaraluartoq sanaartornermik suliaqarnerit ataatsimut isigalugu allannguuteqarfiunatik ingerlaannarsinnaasimapput, taamaasillunilu aningaasaqarnerup ineriartornerani tamanna nalerisaataasimavoq pingaaruteqartoq.

Suliaqarneq suli qaffasippoq, tamanna Copenhagen Economics-ip aningaasarsiornikkut pissutsinik uuttuutaani ersersinneqarpoq, tassani suliffeqaarfiit aperineqartut tamarmik akissuteqarput, sulisussanik amigaateqarlutik.

Sulisussanik amigaateqarneq suliniutit akiinik qaffatsitseqataasimavoq. Tamanna tunngavigalugu suliniutit ilaat pilersaarut naapertorlugu 2020-mi aallartisarneqarsimangillat. GrønlandsBANKEN-ip nalilerpaa, sanaartornermi suliassat amerlanerat ukiuni aggersuni ingerlaannassasoq. Tamatumunnga pissutaavoq, suliniutit maannakkut naammassereerneqarsimasussaagalugit, ukiuni aggersuni naammassineqarsinnaammata.

Kalaallit Nunaanni inissianik niueruteqarneq Covid-19-ip ajornartorsiortitsineranit sunnerneqarsimangilaq, GrønlandsBANKEN-illu nalilerpaa ineriartorneq najukkami pissutsinit ingerlanneqartoq. Niuerfimmi annerpaami, Nuummi inissiat, inissianik tunisaqarneq allanngunngilaq. 2018-imit 2019-imut akit qaffariarnerannit inigisat nammineq pigisat akimut 2019-imi qaffasissutsimut qanittumut niuerutigineqartarput. Illoqarfinni annerni allani niuerfiit killilimmik annertussuseqarnerat pissutigalugu tunisat killeqarput, aningaaseriviulli nalilerpaa, inissianik aalaakkaasumik akilinnik tunisisoqartartoq, Ilulissanili inissiat akii qaffakkiartorpasipput.

Atajuartitsineq maannakkut taamaallaat killilimmik annertussusilimmik inissianik sanaartornermut aamma inissianik niuerfimmuut sunniinikuuvoq, nukissiuuteqarnermi avatangiisinut mianerinninnermut allanngortitsineq, nukissiuuteqarnermik pitsanngorsaanissamut aamma atortussannik toqqaanermut piumasaqaatit annertusiartorneri, kiisalu ass. Avatangiisinut mianerinnilluni nukissiuuteqarnermik pitsanngorsaanissamut taarsigassarsinissamut periarfissat pigisat aalaakkaasut naliinut sunniuteqassaaq, inissiani ataasiakkaani atajuartitsisinnaanerup annertussusaa apeqqutaalluni naliusoq qaffassalluni imaluunniit appassalluni.

Aktiaatilinnut aningaaseriviup ukiumoortumik nalunaarutaani inuiaqatigiit pillugit immikkoortumik naallugu atuaasimasunut, neriutiginarpoq ersarittuusooq, atajuartitsineq ukkatarineqartoq, uagut aningaaserivimmi Kalaallit Nunaata kiisalu suliffeqarfiit siunissami unammillernissaannut pingaaruteqartutut isigisarput.

Kalaallit Nunaata saqquminerulernikuunerata nuna saqqummersippaa, kiisalu tuniniarusutagut nunarsuarmi tamarmi uuttuutit naapertorlugit nalilersorneqarput. Atajuartitsinissamik oqallinneq aalisarnermi takornariaqarnermilu takussaareerpoq, naatsorsuutiginarporlu ataatsimut isigalugu inuussutissarsiorfinnut tamanut tamanna ingerlateqqinneqassasoq. GrønlandsBANKEN-ip suliffeqarfiit inuiaqatigiillu periarfissanik iluaquteqarnissaannut kiisalu aarlerinaatinik avatangiinissaannut qulakkeerinnittussat alloriarnerit marluk pingaarutillit takusinnaavai:

*Siullertut* isumaqarpugut, Namminersorlutik Oqartussat inuiaqatigiinni aningaasaqarnermut anguniakkanik minnerunngitsumillu periusissianik aalajangersaallunilu attaveqatigiissitsissasoq, taakku ataatsimut *atajuartitsinermik* qilersorneqassapput. Aaqqiissutit inuussutissarsiorfiit ataasiakkaarlugit aallaaveqarsinnaapput, kisiannili iluaqutissamik ingerlataqarfiit, pisortat namminersortullu akimorlugit isumaliutersuutigineqassallutik.

*Aappaattut* pisariaqartinneqarpoq, suliffeqarfiit niuernerme ilusilianik ineriartortitsillutillu allangortitsissasut, atajuartitsinermik eqqartuinerup nassatarisaanik iluaquteqalersitsisunik kiisalu aarlerinaatinik avatangiisitsisinnaasunik.

GrønlandsBANKEN-ip pisuni tamani siunissaq immikkuullarissunik periarfissaqartoq pissanganarluinnartutut isigaa.

Uatsinnut qiviarutta, Grønlandsbankenip 2020 naavaa akileraaruteqareernani 130,9 mio. koruuninik angusaqarluni, tamanna siulersuisut naammaginatutut nalilerpaat. Nammineq aningaasaatigisanik ernialersuineq appariarpoq, 2019-imi ukiumi rekortiliiffiusumit appasinnerusunik angusaqarnerup kingunerisaanik kiisalu nammineq aningaasaatit qaffasinnerunerisa kingunerisaanik – aningaaseriviup oqartussaasut naatsorsuutigisaat naapertorlugit 2019-imi iluanaarutininik tunniussinnginnerata kingunerisaanik. Aningaaserivimmi pisortap, Martin Kviesgaard, taaneqareersutut naatsorsuutit itisiliiviginerussavai, matuma ataani aamma ilaatigut tunngaviumik ingerlatsinermik ukkataqarneq pillugu.

Aningaaserivimmi tamarmi annertuumik suliaqarneq kiisalu sullitat tatiginartut eqeersimaartullu tunuliaqutaralugit taarsigassarsiarititat qularnaveeqqusiinerillu pitsaalluinnartumik ineriartorput kr. 390 mio.-inik, aatsaat taama qaffasitsigalutik kr. 5.628 mio.-iullutik. Taarsigassarsiarititat 4 mia.-inngorlutik qaffannerat ukiup naajartornerani pingaarnertut pivoq, tassani taarsigassarsiarititat kvartalit aappaanni pingajuannilu appasinnerulaarsimalluni.

Taarsigassarsiarititani ineriartorneq aamma ilaatigut soraarnerussutisiassat pillugit siunnersuinermik, inissiatileqatigiinnermik suliniutinik ukkataqarneq kiisalu COVID-19-imut atatillugu sullissanik isumaginninneq aningaaserivimmi annertuumik ulapputaapput. 2020-mi immikut illuinnartumik allannguisinnaaneq piumasaqaataavoq, nalunngilaralu sulisut immikkoortuni tamani iluatsinnissamut tupinnaannartumik suliaqarsimasut.

Aktiaatillit soqutigisartagaat qiviarutsigit, siulersuisut siunnersuutigaat aktiamut kr. 25-nik iluanaarutininik tunniussisoqassasoq. Ukiormi kingulleq tamanna periarfissaasimanngilaq, oqartussaasut ingerlatsivimmut ersarissumik taamaalioqqusinnginnerat tunngavigalugu. Ukiok manna Finanstilsynip ersarissumik tikkuarpaa, iluanaarutininik tunniussuinissaq aningaaseriviit qanoq iliorfigissaneraat. Aningaaseriviup stress-test-it pisariaqartut suliarisimavai, 25 koruuninillu iluanaaruteqartitsinikkut imaluunniit akileraaruteqareerluni sinneqartoortutit 47%-iisa missaannik iluanaaruteqartitsinikkut killigitinneqartutut inissinneqartut qaanginnigilaarpagut, kisiannili aamma

illersorsinnaallugu. Peqatigitillugu ingerlatsivimmi 2020-mi tunniussinerit procentiisa qaffasinnerpaat ilagigaat isumaqarpunga.

Aningaaseriviup tamatuma kingorna akiliisinnaassutsimut procentia 23,5-iuvoq, 2019-imi 23,4-soq. Nammineq isumaqarpugut aningaasaqarnikkut nukittuumik inissisimalluta, kisianni soorunami aningaasaqarnerup aqqissuussaana siunissami allaanerussanersoq misissorparput. Tamatumunnga pissutsit arlallit aalajangiisuussapput, matuma ataani oqartussaasut piunasaqaataat, niuerfimmi pissutsit aamma niuernerimi ineriartornissamut aningaaseriviup naatsorsuutigisai. Aningaaserivik sulii akiligassanik nalikillilerneqarsinnaasunik imaluunniit atuutileriartortitsinernik piunasaqaateqarfingeqarnikuunngilaq, taamaattumik maannakkut aningaasat annertussusaat aalajangersimaannarallarpaput.

Kalaallit Nunaanni 2020-mi aningaasaqarnikkut ineriartorneq malunnartumik COVID-19-imik sunnerneqarpoq, 2021-milu aamma sunnersimaneqassalluni. Siunissaq ungasinnerulaartoq eqqarsaatigalugu sammisat annertuseriarsimanissaat naatsorsuutigineqassaaq, aamma ilaatigut mittarfiliernerit kingunerisaannik. GrønlandsBANKEN-imi nalinginnaasumik aningaaserivimmi niuernerimi aamma 2021-mi pitsaasumik ineriartortoqassasoq naatsorsuutigaarput.

Aningaaserivimmut soorunami erniat appasiinnarnerat kiisalu malittarisassanik malinninnermut aningaasartuutit qaffakkiartuaarnerat unammillernartuussaaq. Aningaasaqarnermi niuerfinni nalinginnaasumik qularuteqarnerup aningaaseriviup nalinik nalimmassaaneranut sunniuteqarpoq. Annaasaqaatit aamma nalikilliliinerit sulii appassisasut naatsorsuutigaagut, 2021-mullu COVID-19-ip aarlerinartorsiortitsinera 2020-mi nalikilliliinernit iliuseqarfingeqartoq nalilerneqarpoq. 2021-mi aningaaseriviup akileraaruseereernani ukiumi angusassanut matuma kingorna naatsorsuutigaa kr. 115-135 mio.-iussasut.

Aningaaserivik 2019-imi CSR-imut nalunaarusiaminut nersornaaserneqarpoq, nalunaarusiat 600-t sinnillit akornanni. 2020-mi CSR-imut nalunaaruterput suliffeqarfiit mikisut akunnattumillu angissusillit akornanni nalunaarusiat pitsaasut akornanni inissisimaannarpoq. CSR-imut nalunaarusiaq kingulleq "2020-mi GrønlandsBANKEN-ip inuiaqatigiinnut akisussaaqataanera pillugu nalunaarusiaq" aningaaseriviup nittartagaani atuarneqarsinnaavoq. Nittartakkami aamma "Ingerlatseqatigiiffimmik pitsaasumik aqutsinissamut innersuussutit" qanoq isumaqatiginerigut nassuiarneqarput.

Aningaaseriviup aqutsineq pitsaasoq aamma ileqqorissaarnermik akisussaassuseqarneq tapersorsorniarlugit, aningaaserivik "Suliffeqarfimmi peqqinnartumik kultureqarnissaaq pillugu politikki"-mik peqarnissaa pillugu malittarisassat malissallugit aalajangersimavoq. Suliffeqarfimmi peqqinnartumik kultureqarnissami CSR-imit aamma UN Global Compact-imit pinerlunnikkut aningaasarsianik malunnarunnaarsaanermut atornerlunneqarnissaaq akiorniarlugu suliniut kiisalu ileqqorissaarnissamut malittarisassanik malinninneq isumagineqarput. Aningaaseriviup suliffeqarfimmi peqqinnartumik kultureqarneq atulersinnikuuaa, sulisunik ineriartornissamut oqaloqatiginninnermut ilaatillugu. Tamatuma saniatigut whistleblower-imik aqqiissut pilersinneqarpoq, sulisullu tamarmik ukiumoortumik pinerlunnikkut aningaasarsianik malunnarunnaarsaanermik akiuiniarnermik pikkorissarneqartarput, soorlu ukiumoortumik pinerlunnikkut aningaasarsianik malunnarunnaarsaneq pillugu malittarisassanik aningaaseriviup malinninnermut suliniutai nalunaarutigineqartarput.

Ullormi oqaluuserisassani kingusinnerusukkut siulersuisut ajunngitsorsianut politikkimik allannguissamut siunnersuuteqarput. Erseqqissarneqarpoq, aningaaserivimmi kikkut annertuumik aarlerinaateqartumik aalajangiisartuunersut, kiisalu ima iluarsineqarluni, siulittaasup tullia aarlerinaateqartunut aamma kukkunersiunerimut ataatsimiitaliani peqataanerminut 1,5-inik

akissarsisassasoq. Aningaaseriviup akissarsisiteriaasai assigiinngitsut pillugit itisiliinerusumik nassuiaammik ilanngussisoqarpoq matuminngalu siunertaasoq, kiisalu ajunngitsorsianut politikki maanna ileqquusumik ataatsimeersuarnermi akuersissutigisassatut saqqummiunneqartoq, minnerpaamik ukiut sisamakkaarlugit. Allannguutit kingulliit Danmarkimi aningaaserivinni aktiaatillit pisinnaatitaaffii pillugit malitassamik atuutilersitsinermit tunngaveqarput. Aningaaserivik, EU-mi nunaannginnerput pissutigalugu, taama allannguuteqassalluni pisussaataannigilaq, malittarisassalli malissallugit aalajangersimavugut. Naqissusissavarali, siulittaasup tullianut ajunngitsorsiassat saniatigut, atorfeqarneq pillugu isumaqatigiissutini tunuliaqutaasuni allannguisoqanngimmat, taamaattumik aningaaseriviup ajunngitsorsiat pillugit nalunaarusiortarnerani ersarissuutitsinerunissaq taamaallaat pineqarpoq.

Siulersuisut nalilerpaat ajunngitsorsianut politikki tulluurtumik oqimaaqatigiissitsisoq, siunissaq ungasinnerusooq eqqarsaatigalugu nalimik pilersitsinissamat kajumissaarilluni kiisalu ingasappallaartumik aarlerinaatinik tigusinissaq tapersersunngikkaa.

Siulersuisut tamatuma saniatigut siunnersuutigaat ileqqoreqqusani allannguinissaq, tamanna isumaqarpoq siulersuisut, nalilersuilluareernikkut, aalajangersinnaassagaat tamakkiisumik elektroniskiusumik ileqquusumik ataatsimeersuarnermik naammassinninnissaq. Tamanna 2020-mi Danmarkimi COVID-19 pissutigalugu tuaviuussamik inatsisitigut akuerisaalerpoq, Danmarkimi aningaaseriviit ileqqoreqqusaanni tamanna akuerisaasinnaanngikkaluartoq. Maani inatsit taanna eqqunneqarsimannigilaq, taamaattumik periarfissaq taanna ileqqoreqqusanut ilanngunneqassasoq siunnersuutigaarput.

Grønlandsbankenip qullersaqarfia 2020-mi tassaavoq aningaaserivimmi pisortaq, Martin Kviesgaard. Aningaaserinermik Suliffeqarfiit pillugit inatsit naapertorlugu, siulittaasup nalunaarutaa suliffeqarfimmi qullersaqarfiup akissarsitinneqarneri pillugit nassuiaammik imaqaassaaq. Akissarsiat 2020-mi 3,338 mio. koruuniupput 2019-imi 3,254 mio. koruuniusut. Akissarsianut ilaapput akissarsiat, taakkununga ilanngullugit soraarnerussutisiassat, sulinngiffeqarnermi akiliunneqarluni angalaneq aamma akeqanngitsumik biileqarneq aamma interneteqarneq, Kalaallit Nunaanni inatsisit atuuttut naapertorlugit. Akissarsiat saniatigut, ukiumut soraarnissamat pisussaaffimmik 278tkr.-inik naatsorsuisoqarpoq, piumasaqaatit ikittuinnaat tunngavigalugit tunniunneqarsinnaasunut kiisalu pisortaq ukiuni arlalinni sulii atorfeqaannassappat.

Siulersuisut nalunaarutaat naggasinnginnerani, periarfissaq atorusuppara aningaaseriviup sullitarpassinut, uatsinnik niueqateqarnissamat aalajangersimasunut qujassuteqarnissamat, kiisalu niuernermi attaveqaaterpassuatsinnut, minnerunngitsumillu aningaaserivimmi aktiaatilinnut, ukiumi kingullermi pitsaasumik kinguneqarluartumik suleqatigiinnermut qujassuteqarusullunga. Peqatigitillugu aamma aningaaserivimmi sulisut 2020-mi immikkut illuinnartumik sulisimanerannut qujarusuppunga, minnerunngitsumillu COVID-19 pillugu isumaginninnermut pitsaalluinnartumut.

Ileqqoreqqusat naapertorlugit Gunnar í Lída, Christina Finderup Bustrup aamma Lars Holst siulersuisunit tunuarput, piffissaq qinigaaffiat naammat. Siulersuisut siunnersuutigaat Gunnar í Lída aamma Lars Holst ukiunut marlunnut qinigaqqissasut kiisalu ukiunut marlunnut nutaatut qinerneqassasoq Nærpension-imi pisortaq, Ellen Dalsgaard Zdravkovic. Christina Finderup Bustrup ukiuni siulersuisunut ilaasortaasimaneranut qujaffigerusuppara, kiisalu ukiumut qaangiuttumut siulersuisuni suleqatima sinneri pitsaasumik sunniuteqarluartumillu suleqatigisimaneranut qutsavigerusuppakka.

Qujanaq tusarnaarassi!